

UNIUNS

Coira: surdada digl premi Cristal Pro Infirmis 07

«Cuntinue uscheia»

(anr/gns) An en rom dètg festiv è stada a Coira la surdada digl premi Cristal Pro Infirmis 07. La Pro Infirmis ò surdo per la quarta gEDA igl premi doto cun 1000 francs. Chest onn ò la Pro Infirmis tschartgea uniuns tgi integreschan activmaintg umans cun impedimaints ainten la veta dall'uniun. Igl premi 2007 eran nominadas 12 uniuns digl antier Grischün tgi s'angaschan an l'egna u an l'otra furma per l'integrasiun da persungas impedeidas ainten ena uniun. La giuiria ò tscharnia da chellas 12 uniuns la musica da tschever Fetters Sursetters scu victoura digl premi 2007. An sia laudatio ò cunsiglier Martin Schmid detg tgi chel premi duess animar er otras uniuns d'integrar umans impediadas ainten lour veta dall'uniun. Igl angaschamaint digls Fetters Sursetters cun igls impediadas dall'ARGO a Surava seia en bung exaimpel. El ò er detg agls musicants da Surses da cuntinuar cugl angaschamaint cun igls impediadas.



Per en onn resta igl cristal dalla Pro Infirmis an Surses. Cun plascheir on igls Fetters Sursetters ratschet igl premi da cunsiglier guvernativ Martin Schmid.

POLITICA

Landquart: festa pigl parsoura digl cunsegl digl stands

Angal igl migler digl migler

● G.N.S. Gronda festa ier a Landquart per Christoffel Brändli igl nov parsoura digl cunsegl digls stands. Las 450 persungas da nom e pom on laschea gustar las tratgas exquisitas. Sarvia è nia angal igl migler digl migler e scu prepast ena terrina da capriol. Preparo chella ò nign oter tgi egn digls miglers cuschinunzs dalla Svizra: Beat Bolliger igl anteriour hospitant digl restorant da luxus «Walserhof» a Clostra. Igl cuschinuz digl onn 2003 ò ratschet digls experts digl «Gault Millau» 18 puncts. Las sias tratgas fegnas ò galdia er «Charles prince of Wales» tg'è en giast digl «Walserhof». Beat Bolliger ò preparamo la terrina l'emda passada a Savognin ainten la mazlarea Peduzzi e cuschino tenor recept secret. Scu sagond plat è nia sarvia agls giasts da Berna en steak da

